

Recueil des chartes de l'abbaye de Stavelot-Malmedy, 284

Anno Coloniensis archiepiscopus Malmeterensis aecclesiae monachis gratiam suam et omne bonum. Ex quo locum vestrum abjectum et inique oppressum recognovi, qualiter ipsi in oppressione constituto ex latere positus succurrerem, sollicite cogitavi. Quod quoniam Domini mei concedente gratia possum et ex voto, sicut proposueram, exequi desidero, ut in Nativitate sanctae Mariae quatuor ex vobis, qui priores sunt, cum ministerialibus ecclesiae vestrae ad me Coloniam veniant, per sanctam obedientiam precipio. Quod si vos aliquis per violentiam detineat, quominus injunctam vobis a me obedientiam possitis implere, nominatim eum mihi vel litteris vel legationibus intimate, ne transgressores sitis obedientiae. Valete.